

朱太復文集

朱太復文集卷之三十二

五湖集卷之三十二

議

陽信縣賦役四事議

信縣濱海六十里。古九河下流道也。土窪而瘠。東方之僻區。地雖美於他縣。獨力本急。公歲報無遺。議者反艷其優也。蒙沃土名。三十年中。賦役比故時。浸增至十倍。據其民稱。逃年傍縣荒餓。漚信代輸。百姓雖淡膏不給。亦唯唯聽命。惟謹。故他縣賦課。亦分信

賦課六分。然初以荒代之。猶有說。一。代不復去民力。何堪者。民里戶剥膚自頤。號而訴之。無恤也。但因仍數十年矣。縣不知為後計也。而去其籍。自初時既不。知某年為某縣代。某項銀若干。今卒然釐正而反之。誰官受者。一議更張。全齊俱擾。非便也。但上人恤其窮。著為令。他日有第減無第加。庶幾緩之溝壑耳。次若開荒田土。初出其民。詭避清丈。俸送額賦之外有之。然其斥鹵不毛。上農所棄。為閒田而不收者。十之六七。十來年中。所報開熟雖多。減無之。半為下戶。半

為流徙復業之民也。官給券而闢墾之。彼翦草服牛  
破土之力。常視熟田加數等。惟以三升納穀。例於  
而贏息。故負耒踵門而報者如流。此亦安集生聚之  
道在焉。今常業之民。如其坐食而免賦。即欲一體編  
入版圖。徵之。彼新集流戶。何身家之願望。望墾妻子  
立去盡耳。今日既增土而走其流民。他日棄土存糧  
不反為土著累乎。此愚民慮之不長也。本縣以為暫  
寬一網。以活遊冗。亦無不可。姑待十年後。地產著息  
物力漸滋。其民各已成家。長子孫有鴻集之利。無免

走之思然後履畝度地核其成契而編入之未為遲也。前兩者皆格未可議。可議獨地丁兩事。一曰賦出於地。本縣田租之制有國以來皆一條鞭科則自清丈之後分田為三。當時既不知上將案此之賦。縣官苦於履畝。聽其自報。則已非實籍。而後既科則懸殊。弊孔百出。里書乘權射利。上下其手。歲異月不同。有力之家。巧猾之民。肥沃為瘠。愚騃之子。下戶之賦。由莽為肥。民無從愬。官亦無從稽之。縣在海表。一望平原。無河渠之潤。有鹽汁之苦。雨暘待天。嘉稻不生。

一、等耳。農勤而多糞，此則人力使然也。何三之有？  
去以為一之便也。二曰役出於丁。故事，審後則官使  
其厚給者而息其窮者，猶不大赦。獨以為官用權卑  
其利而虜其民，故改為條鞭。條鞭則是矣，而九則未  
善也。夫審丁者以其身，以其資乎？以身則身與身等  
耳，以資則百千鉅萬，下至鵝衣枵腹寸土俱無之人，  
萬其錢則萬其則，而奈何云？九若本縣則又止分為  
六矣。此何其通於富而責益於貧也。濟北海東平野  
數千里，無居費行商，廢著輓載，徵責生息什倍之利。

民食其土。土多者為富。土少無業者為貧。此其較明  
甚。以田連阡陌。牛馬穀量。犂童數百。十指所出。上上  
不過數兩。而傭耕任載。佃地食力。甚至桑間之餓夫。  
率版在官。則徵之歲。而出銀一錢六分。有奇。民有死  
耳。何以償之。夫江南淮楚吳越之間。江湖之區。舟楫  
往來。販載富商大賈。往往有陶朱之資。而家無尺業。  
者。然而丁役一則。以其不足。派之於土民。猶曰便也。  
奈何。此本業土著耕食之鄉。而棄地以言丁。是為便  
乎。此法所以久格者。多起於族豪。若久挾有祖無庸。

以說把持不聽行然縉紳高明特為厚免之無不可  
而奈何使庶士雜流下至吏胥之輩一名在官通免  
其身雖卓程之貲不敢問則良民獨何辜而代為之  
魚肉此不可為限制如名田之數畧厚於江南者免  
其額而攤派其餘乎如此定為制凡庸錢悉照下下  
則減其半一丁一錢而不足之銀盡派不免之地不  
隱富不加貧乃號為平夫法以便貧非所便富也故  
裴多益竊天地盈謙之義亦然漢制三更之役丞相  
之子亦不得免三日創此非為侵乎今必因法以拘



豪貴而使窮丁日漸流死。凡民窮多於富。此中數十年之後。民命竭而邑虛空矣。此豈國之福也。且分則不免編審而升擯。隱匿奸詭。官雖十耳。十目不能悉案而燭之。故亦以爲一之便也。兩者實惟東方埽爲偏累大政。本職已周咨計之。言均地一口。言均丁者十而七。則其三皆所謂貴執豪力與色倖冒免之人。其情可賄矣。誠得上人力持而反其盡小民萬一之利。顧非縣吏敢擅也。

陽信縣社倉議

設社倉一在官倉西今年奉文始散設於外隔  
其鄉約道里遠近酌村落之中立倉一十有九皆擇  
寺院空房不足取之民間以息穀供債置蒲團令其  
寺主房主隣左右居人地方結保守之司出納者選  
正副耆德有力者付之給以官斛申以條格秋收春  
放專以食其約內所轄之窮下民皆喜趨赴之便而  
不知消貸有備雖大無驚法至良也然抵斗之穀歲  
積三四千有奇而春秋收放如社倉但免其息以為  
利耳然此皆赴縣支納往日未立社於鄉兩穀並行

便也。今鄉所有倉矣。又使重奔命於官。遠塞窮鄉。至五六十里。累糧疾走。候令。官法不如鄉社之易也。循次給受其民。或一二日不得完。所領穀財三斗。而大半入賣漿賣飯之店矣。若寒冬霜雪無錢。僦室露宿於民簷。萬一凍死。何堪。且糞粟之始。民領此斗食。則誠益之分外。至秋既入。而來春復領。即此入之穀也。儲於公。與儲於私。尚異。而寡業薄收之家。又往往出賣富民而償之。地僻于錢重。其失利。而於終歲之中。三徵其銀。一徵其米。又再收徵其

事。是五徵呼而六趨縣也。民良善相慶者必曰不八  
公庭不聞追吏。而此使七十里之孤窮老幼歲惟官  
者六計往來一候得三日三六一十八日。而田間農  
功誤半矣。何如安坐而盡之南畝乎。是以訪之民情  
頗有春不顧領而里長比戶括之。皆之使赴者。是以  
官強之也。且拘二斗之餉。而顧者不得多。不顧不得  
少。甚非便宜本意。若其出入攢欄胥吏之手。稍稍重  
輕。官不得早暮視之。是民無利而有利也。賦計以爲  
宜。獨行社倉。廣其房舍。加調以聽。聽民多寡。顧領者

為正稽其人量其家力而與之仍減息為什一補抵  
斗之寬數民可不擾而惠得實布如曰官倉必出陳  
易新則職又計以為每歲社倉新穀令主社者運於  
官倉官以息穀助其脚力以易舊倉之穀而春散之  
此獨勞二三人耳與縣縣億萬下戶貧人奔走而苦  
徵者大不侔矣

守令久任議

郭氏

今寓內郡邑基置

夫子分方而任守令守令親民如母孺子穀易保

其不相便近議者效漢長子孫姓氏之意者  
任非滿五年上不還行之今十年天下吏治  
然凶灾四起百姓求竭豪猾不逞轉為寇盜日  
多誠不見其益使與嘉隆間繫計治化反不迨此非  
法不善而當官盡溺職也抑行之不得其權故也按  
天下有司皆次甲第資由品議推換如古論材  
出官故大約十分中有一不肖者一也守理循  
民或興利振恥者二三餘皆錄錄簿書度  
日與巧文竊虛名仰權勢達媚上官以為工

此皆所謂中材。候如今至不肖者。既以殿黜。其他故  
實之吏。幾何。而使錄錄數歲。臨邑。邑民利不得集。寬  
愁無所告。上官又不可微。其去之。譬如蛀木。日久亦  
壞。不便一也。人非東道。恬美。無有不急進慕通。既  
國家亦持名。勳。鼓厲天下士。使自奮。今不問能不。驟  
以一令。動稽六年。輒駒局促。非其好也。即喜功任事  
之臣。疲庸歲年。目眩舌敝。無見效驗。亦至寢悔。彼內  
補從容。歷日輒數遷。而疆邑遠。臣以勞自望。非所以

授化不軌皆有數可睹記此誠得賢有司休嘆哉  
之數年未可移動他中地自可適還必責以久是使  
強者擾動見部弱者惕日而下玩法也非地方之福  
也三也昔者宓子罕卑父先請無刑筆而後行今某  
視廉訪之臣引繩縛有司有司動不得端稍稍自喜  
不避文法課為狂厲其有剔利興事禁暴敢行則流  
言訛作而勢家因通權中樞上不加察尋以資獨  
行之人固俗迂而衆所忌也此之不省而豪傑縉  
歛手退足卒歲無事事競以浮沈自容雖久之十年



長俗何裨四也。郡縣官久任。而按臣歲代。蒲枲之長。再歲代。鎮臣歲半代。官評是非。舛駁不符前之訖後。之譽。此之喜。彼之怒。官雖良吏乎。而五六年承役奉令。一遇文深刻礫苛責者。小譴獲戾。功壞官成。無乃又有以私螢之。則奈何棄勞積歲而下。不得與俗吏錄功也。其不便五也。臣為今計。既不能復周制。辯論官材而器使之。然試任之後。一二年才猷底裏立見。矣。官能不能。地方便不便。辨免所得長厚。明鑒責實之臣。以誘衣巡四。而三。廉郡太守。縣官稱職必也。

如有下吏不肖。丞嚴無論其才品。中庸無所建樹。皆自為決。仍遷曹屬。及外轉。如故資。必守理循民。興利振頽。著實效上。

天子下詔。褒示寵異。乃任以久。三年乃進之。祿或加服。以新銜視事。資滿超遷。以風諸有司。能循民者。其在內。冢宰授官。注地各以地為三。而畧品視年。歆英爽德器。凝重及素行。誼者授以劇地。有不稱者。以稱者易之。在外中。

命撫按臣。無以文法相制。今官溥便宜。行事務為。

獎宣化計久遠舉事者驟有浮議弗輕罪勞伐已著  
偶罣悞者弗以過棄前功功過難者以中計為陟黜  
禁豪民大族無得橫桀以撓太守縣官治若有武德  
好事多易不便民庶其寔始移官如此法宜於官民  
狎於野前有異等之榮後無轉張之懼守令人人自  
效雖微上林。中士且將勉焉。故曰徂詐作使所謂權  
也。如持一切之端。畧通融之術。製虛聲之獎。不務實  
化之效。今天下守令。逮延周曲。苟以延日。則吏偷民  
欺。而不知恤。臣竊慮之。故累久任。若官以為傳。處矯

州之士倖焉執久任都官以為囹圄賢豪士亦苦焉  
而者豈

聖主所為鼓人羣興教化以便習而長久哉故臣願  
通其權也

難

郭司教望雲客難

郭子教烏程士三年士喁而化之號為有道人客聞  
請交過其舍閒敞若無與處其人塊塊若不可與侶  
每答客反首仰視天而吁吁客故知其無携室也以

為懷也。進難曰：夫聞至人之履，鹿徙，鵲處，若遺而天  
遊人，以子為有道子。項項何為哉？郭子躍然起，歎曰：  
悲乎！非與？吳緣海而去閩千里，庭有母老矣。薄遊九  
季，留新婦以奉尸，齋計至今，年八十有三。容髮定，貌  
而子不知，以是為櫻寧初也。思既也，惑今如象罔，初  
居平南，首望望浸至今。吾乃不知對客適之望望雲  
也。客乃儻然失容，塞口久之，復作難曰：然吾亦恠之。  
夫思內根也。吾聞之內結不可外，而提為內，既外逐  
不可內，而索為外，閉子之事親命也。無所解於心，何

接接假雲而望我郭子曰夫寄焉以其心為馳車雖  
無望且矣弗望乎。學者之口常言舞者之足常舞  
夫疾提思婦疾執彼有結焉則自動而莫知然前故  
曰如風。因故自望非雲望者客曰請循其本于本言  
望雲今日自望也適乎。夫易之好號也晴亦號雨亦  
號晝亦號夕亦號登木下飲亦號號其性者也非外  
為者也子曰莫知然何不懸神察一之天結志沈潛  
之淵注目莽埃之虛融我冥冥化我云云萬動過  
引之無端何必雲之寄而他不可乎郭子曰然人長

指竟老而還本國同行者過晉而語於相城曰燕之  
城其人慨然變容指社曰里之社乃喟然而歎非真  
城社也何以也仲有至物有寄。今天雲自唐梁公望  
親舍始。鄧游弔習為談數百年矣吾亦因習而寄望  
之久而見其果有合也夫天為大父地為大母地氣  
上滲其布為雲百長待生膚寸而合如娘也蒸以濕  
如乳也披披其若覆也姬姬其若育也雨雨而物亨  
也故望之其和以濕似喜也交触而陰似怒也衣布  
曳曳似衣也雲雲縈縈而下如似佩也卷而舒行也

出而入起居也。風吹淅淅有聲似言也。四時之變應  
候也。是以飄雲倏疾風雨晦冥吾望之而愁。白日在  
天流霞舒輝吾望之喜。夜星既中月出雲來吾望淨  
沛若御風而見焉。吾故每以九日吾母誕時及所東  
南望海飭氣占其日。遠望熙奉觴而視則有黃雲騰  
溫如蓋如芝自南而來止於若東。覆宮舍焚燬不散  
久之此算精之徵耶。蓋自封禺以還凡九祝無不應  
者。故吾見其果有合也。客曰嘻甚哉子之孝也。夫合  
而欲散者雲也。往而不反者季也。子圖壽郭子瞿然



起拜曰此吾之日夜腐心而不得者也吾母生男子  
子二我為傳我奉教十四外髮補弟子冒虛名不進  
以至貢澤晚母老我欲留養而母不許曰念不遇至  
此仕行義及吾欲見女行矣至今歲歲奉問相禁我  
能薄下沈以在此此吾之日夜腐心而不得者也客  
曰不不即以雲喻雲陰然延惺然布崇朝而雨累月  
而百昌成此為祥雲垂垂閉澤不下被氣也受澤而  
不長者不嘉種也不嘉無為貴雲矣今以子之布譬  
之荒歲穀焉晚而穫之滋饒吾見子教成在封山若

下之間。誠哉。程官者。固將物于而治焉。是而母行義  
之命也。子已亦使而母謂子善。成成而謂子拂。我必  
成也。且夫男以事外。女以事內。事外為忠。事內為孝。  
孝以忠成。子不見夫奉檄者之為親屈也。吾故曰子  
國乎。勉如子之孝在此。於是郭子喜。跪北向辟。肩其  
客拜起。又南向。設席望雲。拜曰。願母夫人禧如祥雲。  
以待子成。以無負客之教。郭子名冕。閬郡武人。客為  
吳朱長春也。

問

信縣詰問諸生

語曰夫士必自重也而後上重之故鑿坏之楊與武  
廬之風而相成焉不佞素心好文而結士所到之邑  
羞與簿書胥吏為伍期諸縉掖之士往來談文事與  
俗化我不敢出立廣道仲舉縣榻之後昨辱諸俊  
公先生不以雅狂惟不才猥我吏也領諸俊輩傲然  
分席相賜蓋已約之過矣我輩則相與為不才者  
能無相侵也今學生諸君就我而談若無不  
爾尺牘之罰者豈足為其辭乎哉為無恥也

預有可異者不佞外歸六七生儀門之偏據輿而幾  
踞道而言事以為言公不意其私也據一生口云為  
其姓乞哀餘五六人不皆子弟也而成羣請託委屬  
衣冠於泥塗何不自愛至此且此犯者衙幕地方之  
大故稍嚴重之以拘於眾不為過而諸士旅見以相  
需是為說事霍金錢乎抑把持之也夫學宮之議自  
昔為不禁如不佞有不便於事及過矣章章不妨與  
眾公而言之不宜如此自棄士氣為人言私而干吾  
政也諸先生為吾集士而評之昨日之言有無私抑

昔日之舉果出於談經講業抑借以結上招撫而便其招權之計也如此不佞持有三尺不敢奉教異日有罪不自重而罷撓縣令必叱其面曉其名諸先生弗目不佞為賤士也

試諸生策問

頃者北虜寒盟

天子震怒西推司馬大臣之數邊將抽兵鼓行討之十餘月知小小報勝未稱三捷屢使勸歸王廷不來虜輕中國明甚而我師四出羽檄募兵不聞應

爲營兵不滿萬。未一歲而罄十五萬之餉。十里餽  
不繼。邊事如此。誠未可安枕而卧也。何以策之。即  
法且無談出塞試論。京師根本。宿兵無五萬。皆由  
使老弱大司農金幣不供。一和天下水旱災荒。未  
郡縣皆空城。無倉庫甲士。此何事。師者漢則林林  
皆取三輔六郡。其後閭左。誦七教。不肅。曹備丁罪。何  
一朝果甲是勝。今猶古也。何便不堪。即光武句。本  
齊魯趙衛入衛之兵。何以便狼狽。在此。罪安在。此  
所兵。既。即。蕭。鎮。擁。師。跋。扈。猶。有。動。主。臣。臣。之。事。今

天下開疆拓境不必而兵無足用當及舊唐虞夏  
臣官高耶不敢抑別掣肘難行乎議者謂欲別募兵  
實禁衛又欲於山東西置大將屯重兵為向京師  
左右脚似而至此然老軍舊伍非有迭集目下倘常  
不足一三增兵置屯倚辦何如新舊去留無易編戶  
軍政大壞勢率合市人授兵未必有能訓練即今齊  
太師技擊仲父內統司馬軍師約塞學問黑頭直不  
聞果操而後知當何以習之空傳集許字焉必無  
無用滋害今齊賦又極重民極力行與何加額也故

有能不溢賄不騷兵不擾里閭糾雄兵十萬鎮衛  
王都則而今公之勲也抑釋此別有奇書哉諸生請  
纓之勇恆縉之憂。

跋

題嚴氏合族譜後跋

外史氏曰譜自義率祖重我禮家稱能別傳宗公姓  
為氏防其蕃混自太史公缺世傳好引三代脣隨名  
王公故家系其支為重後世難覓冒屬仰附濫矣至  
越數百率千百里將置初祖於何地大氏家指遺今



折則支流散有可覈不覈其傳有和胃祖與滅祖齊  
耳予所近見東林嚴合圖言累累以為要有據必要  
乃真其義與夫合族禮止祔祭會食詩書未耳周文  
武昭穆裔封至相并親今世親父子同產兄弟殊索  
刑賊不相能何言十數世要其聯洽乃稱敦睦難焉  
篤行即一人無能如衆吾於嚴生取志矣生曰東林  
微石冢顯人且謂附我蓋不然論世論道不論位秦  
皇帝孫不如關里周蒧史小官耳唐逮引為禘祫豈  
其貴焉人兒榮名吾以仁義必三公始號高門君子

美之乃世猶奔走乎

續淮陰傳跋

漢定佐命皆蕭曹而太史公兩贊都致其美若抑損  
之詞轉而歸淮陰無淮陰城下未決二人者得論功  
乎抑鋤敵者死守者冠位主軍者夷裨者擅名功高  
不雪志士痛心予長所以忼慨致意焉嘗觀大事記  
記曰誅淮陰彭越黥布反大事為相將記者書法叛  
臣不當書終不當直言誅又不當三叛臣異例此史  
微文出淮陰原越布危漢事歸相罪也夫所坐淮陰

曰以握手庭中之語為質則代相之反二惡同事律  
當信為首。孫為從矣。史傳孫一字不涉信。豈遺本謀  
哉。曰此漢借孫坐信。非孫附信反漢也。太史公每紀  
有參差絕異。用相發明。志微也。不然則異聞也。至其  
自傳淮陰。則畧按下元功。獨用涉通二說為具左。陰  
即入雲夢事矣。則王銜尉白蕭丞相之意乎。凡此類  
者。太史公學春秋法也。春秋以後。惟史記稍稍竊焉。  
其指時有舛。則義不定耳。漢書以後。不可北面左氏。  
安望經哉。

讀莊子跋

道家都曰老莊子攬之稍異。老氏主無。莊氏主虛。無以在世出世。不有未嘗非有。虛者茫乎飄然若超人。間世而獨立焉。故老氏博大。行身應物無弗包。莊氏取自暢自了。自壯其在天下篇所自敘言之矣。兩人著書。大宗即畧同。然老氏初欲用其道德於世。垂簾不就而西。不得已干要而為書。其書約而詭。猶有用之志焉。莊氏自己曰。以天下為沈濁。不可與莊語。明其厭世。逃世無志於世。獨觀老氏虛濬一曲。闕其宗。

以自曳尾逍遙游於世而不入其樊。為其才妙絕無  
所繫而吐於書有意乎以文自見者。故波蕩時時過  
馬。青出於藍深於藍。其父殺人其子必且行劫。事勢  
流使然也。夫地之畏佳也可圖而盡也。故曰人操天  
則蒼蒼虛焉。旦暮變化有固工不可得肖也。莊子既  
託于虛為本宗。故得肆其才無復世法顧忌而稱心  
為說。其文獨神異六經以來無此奇品。則虛實之辨  
也。虛故其言多寓多重。恢詭參差。讀者自及史公不  
解免而後造廣已荒造近已俚。無當近世宗林希遠

古。又多用佛語。如以沈約八法品黃初。黃  
子自童惠讀。至今四易編。無所獨造。時時有  
異。更為定如此。自以為知解十七。稍無負莊上之奇  
夫代中奇文三品。莊生藏實于虛。馬史以虛用實。離  
騷以虛為實。皆天授非人力也。百世以來。孰能及此  
乎。

為李寅中題十七帖跋

此本字畫稍瘠。肥又希。墨枯燥。定非佳本。然規矩  
生唐摹元刻。已不可得。曾見宋人翻者。猶可觀其刻。

近來本耳九名書入石雖至良書而神意減矣即北  
漢平原自書自鐫其布勢運筆去來濃淡微妙之態  
必不能如道子寫真况其屢榻者夫其腐為神都善  
攻業者何不然學書先得古人用筆九本都可入道  
蓋其識離合全在頓悟今人都不知字意筆意如  
想像形維蘭亭真蹟再出何益

書周節母傳跋

節母傳為子完周子作十一筆矣周子今年必冊索  
手書也讀焉見所述還妾事言周子必有子也異之

嘗是時周子垂六十矣。息久絕。越三年舉一子六  
又舉一子。而予言如著繇云。乃人患無立義耳。然  
然中一語動天。況以無子之故。又惻焉感義。還之。不  
以予。則無天道乎。往歲余除司訓。公服以三十金  
一妾陳既入門。病養數月。病已。義不忍犯而還之。  
貴其金。陳嫁為市人。嘉時周子已生。首予聞予事。而  
舉予言賀予。予復取于吳門。俞五歲而有子。然如  
言。夫似續早暮。公天命抑大者。本世德世其家。周子  
之。吾家司訓之寬大長者。忍詬不報。警郡中。皆能



言蓋天所厚焉。然以吾兩人事合古焉。公益見天道  
近人可信。亦可畏。我可為世誠矣。周子老好游交。寧  
貧得二子。頗憂無業營營。予又舉吾家勤之曰。吾翁  
遺簪破千金。末不占一錢。而予起家。惟是積義。而  
孫安在家人。產乎。周子曰。唯唯。吾與矣。時乙未仲冬  
望書傳并跋。

朱子太復文集卷之三十三

五湖朱長春太復著

論

楚

遽伯玉曰時其饑飽達其怒心虎之與人異類而相  
養已者順也夫虎之戾也而人柔也豈其變焉委身  
親為養則為牙中之腐餘乎彼其饑飽也有性而吾  
時也有權無裕而出無就而入格不使拂就不使溺  
彼以其性羈於吾之權而不得吾無所中其性故無

兩怒亦無敢怒。非虎之不起。不使怒也。使怒則怒不  
制矣。孔子曰。人而不仁。疾之已甚。亂也。故聖王之治  
不順也。大亂用重典。小亂用輕典。在小大之間。疑而  
未用。用中典。中者水火也。龍蛇也。剛柔也。參而無常  
以時君也。如醫之調藥然。溫涼補泄。中其病而止。故  
抑則翦之。傾則輔之。適則定之。來則集之。度有以制  
之。又度不可長之。則創之以威之。度未有以制之。又  
度未可降之。則姑也。姑以容之。故內常有權。外常  
施內常華。外常權。故權不同。有取於禁。今者有取於

順今者順之吾猶有今焉。無移其權。不務其策。而徒禁馬不走馬。一旦怒而詭術聚。繼快而馳於。安知有人哉。昔者周之待楚其鑒也。楚東地于侯也。我而憑陵。并據江漢。近屬十餘也。熊渠時其嘗已稱號無王矣。至熊通乘中國禁亂。託隨請尊於天子。猶有不敢儼然並大之心焉。周之德既不能懷。力又不能駕。此時稍進其端。沙錫以命申。鬻熊之舊。玆我今日之承心。如秦之故事。不過一列在侯次。夷德厭矣。且故當厲王時。僭王去。而皆楚人自。而不聞天子。

今又安能誰何。而奈何。各不以一冊慰我。心而制其  
命也。雖曰先王故棄。非功不封。陝上要君。勢不可長。  
獨無計。命猶夫子出。城中不可兩大。非自是之後。楚  
望自主。天子方伯。不能詰名。為夷之賓。之攘之。實與  
漢天子。單于等。至三傳而賜曰。鎮介南國。其誰並王。  
而庸此。何不早也。早或可無。田尋遂致胙於齊。代  
陞於晉。郊勞於楚。致伯於秦。韓魏趙四。弑君盜國。隨  
請隨。侯以至七王。並雅周反。為君。此皆恐。踵其計。之  
遠不可制也。故孽傷多。驚失吁。中朝之制夷人。故不

易哉。

桓公管仲

于觀齊桓公射鉤佯詭謀王傷胃利足。推魯故於造  
時此所謂英雄天授者乎。強姦悞楚。猶于房成之所  
對猶羽也。小白自主謀以悞管敬仲。尤希夫射死與  
軍死主則衆寡幾何為乎。溫車之馳行也。此觀敵間  
也。客寢安非受國者。又何以六日遲行也。此赴機頃  
也。然後率兵爭於城下。則主既以定。大臣已肥。國人  
已堅。主客已分。必無勝道矣。此皆公之得而仲之失。

也。然則夷吾桓公之所包也。人有言管仲霸其君殆不信也。雖然無成知之之謂聖有成知之之謂明。聖者無惕明者有惕。不冝仲者悞於桓公而得之於魯也。倡歌助輓倍道而入薨。非有溫車之尊創乎見曲木而高飛遲者儻且為施伯追虜。與故史曰管仲善因。拘為福轉敗為功。夫內政寄命雖其伯心之微機。然五鄉四民教如歸命則法也。法者一定累世之計。亦足為累世之慮。因轉之權則神也。神者無方會卒之謀。故雖兩知對或以卒。湯或以卒。失自須臾。

久而後卒可應也練之則或有失之與脫魯之冠練  
其射的封邢之義練於叔壇仲未聖也將無為明乎  
此仲所以伯曰然則桓公鄰聖乎又何管仲因而轉  
之曰人情也當厄則怨居泰為驕矣管仲習射之廢  
故中於桓公之馳桓公習九合之機故任轉於仲也  
要之兩君臣則至賢其機確執提之歸無表為主曰  
之能後慮

### 楚昭王

春秋諸侯舍子而讓及惟楚昭五讓為不真蓋計也



昭王走太子建。國儲未定。社稷當衰。敗新復之後。人心周皇。昭王亡命。寓公之餘。無威德以結衆。而提封內。二廣之卒。軍於境上。救人而師。未有功。一旦病隕行中。前有敵人乘喪之鋒。外無善鄰同患之助。內無鎮國安衆之主。危亡不可期。惟是在二三大夫。苟其以公弟之親。秉政統師。率王族。矯遺令。成喪。即真長駐軍而反國。夫誰曰非宜。又况其以子西之才。久令尹而衆推也。而吳人之執。故嘗為僭路之王矣。既試之而無譁。何真之不可。昭王自頃視其親伯之舉。謂

乎西與易耳。故曰姑以讓要之以屏卜之。及申不昭而次五之多許以保之。彼乎西臨決而當王讓必謝。羣公平感義相息必又謝。故車死而義成言必莫敢動也。此昭王計也。雖與宋宣吳造比名矣。昭王承業於內亂。後起於蒙難。經歷多而慮長。宜我世傳不察乃疑劉備之託亮備急吳魏而深知禪不任也。誠心以討賊。亮曰。軍遺恨耳。備之計亮豈心百于西哉。信昭而精備。俗論不精。多如此矣。故曰事有同功而異情。

武安君

有治將無治相。有危將無危相。周以後天下代然。此  
兵之流拘也。天下習兵久。權謀形勢技巧之家。日熟  
每一鼎沸。異軍數十。鵠起虎爭。非有絕倫之將。敵堅  
摧銳。劉殺百十巨萬之生命。不能定而治。卒適以自  
殺者。過半矣。求擊里佐命之功於李斯。蕭何以後。賢  
士不得一死。固馬上之禍。順主上之欲。逐時消息。安  
陋守文。無害。卑卑耳。然而保榮名。享爵封。垂圖畫。履  
然列日月之間。流慶子孫。不亦悖哉。秦故氣強長勝。

之餘。假使竟不燒鄢。韓存上黨。趙勝長平。其土地猶  
盛。而氣猶挫。敵猶強。王業何渠成乎。此非白將軍五  
戰之力哉。功已極。業已就。而一創死社。鄙之。亭人曰。  
功多不足以封。因以罪誅。此未得秦王之心。秦王視  
白將軍百戰百勝。走荊郡。巫黔之後。自己不容生矣。  
當是時。白豎子之威。震動海內。秦王使陰將當馬服。  
而禁不泄。此知其人爲人忌也。苟知爲忌。則自亦忌  
之矣。邯鄲之役。三請不稱。則貶遷遷不行。則遣人督  
不得留。不得則十里怏怏。必死怏怏者。故入也。秦方

收天下欲借狗弓之力未忍卒除起安一日忘起我  
力既不可借而兵虛於中軍却於外主上既有怒徵  
而懸罰未斷忽憑其不逞不意而中起無危事故使  
者告敗數至而起不留矣又恐其道亡命而難於山  
東則殺免人曰應侯傾穰侯而代穰侯為白將軍薦  
主穰白不偏立應侯去惡必盡之說也此其小者也  
應侯忌功昭王亦忌功君相而忌而太特居絕世之  
位未有不殺者况會疑危之時乎韓信將兵不棄於  
高帝不殺誅項不為元功不執蕭相國不殺章第一

位不替無反接降侯之貶不繼非代相反帝自將  
外不繼古今名將克勝之器蓋世之功莫高於韓白  
兩人兩人者即挾此兩者以克暴同也夫虎之為獸  
至戾蟲也設祭而迎之為其食田歟也豕豕沿食人  
而又顧其尾擦其鬣當人夜行畏鬼非殺虎虎殺  
矣狀趙虎而遶鹿鹿豕而犬無分則遶道其豕人持  
鋌張弓噪而捕之矣夫以人持遶虎豕也犬懷道豕  
之豕而虎方張牙嚙人豕氣貫豕也豕而能此便殺  
之矣六國楚王豕虎也雖何犬豕豕豕豕豕豕豕豕

危也。敗伍降侯履尾之毒也。稱疾恥伍張嘯之毒也。如是而有免者乎。故曰。泊將即危。將危夫用將則恐其不過人。殺將則恐其過人。故雖有嫌見之相。集世亦不用矣。用亦不免。知戰守異視而仁義非急也。此則趙兵之拘也。天下不趙其兵者。則姐呂文武之害。可待也。

### 楚莊王

楚莊王三年之禍。中舉所不為也。乃其後。謂心長。其馳駕中夏。說者舉方太甲之怒。為悅。王不曰。此英雄。

欺人易姑為是浮沉以觀變耳將飛翼伏將躍人躍  
大白若馬如圭在璫且既以死今諫者而卒聽仁伍  
蘇又一日而數百進數百諫匪其得之濫荒之曰則  
無論昏昏即改圖勇義之主何能恠德思而了此乎  
此術出於殷中宗恭嘿思道以其諒陰之三季浮沈  
臣民而試之一出而舉說興業赫然嘉靖殷猶如枯  
掌焉何其捷哉此所為冲天驚人者耶董莊者學武  
丁而隘者也田威者又學董莊而隘者也下則漢軍  
帝乎當出潛飛天之始一曰大將軍再曰大將軍拱



手以遜朝故不與而畜其駭乘之古刺選望而一發  
不可制矣今人尚有竊此術為初吏者命曰假愚以  
其愚愚人。人隨愚之而吾得伺以擊焉此黃老之柔  
道也宣帝號曰法家形名之主也又以柔道為用然  
則申韓原於道德之說殆然哉

蘇秦

七國辯士惟從與橫兩家事則從難而橫易名則從  
順而橫逆勢則從衆而橫寡理則從長而橫短然而  
離合不符功效相反何也非橫人之善辭又非獨庸

勢便。蓋亦從人自失焉。秦虎據西北。東面臨制天下。自商鞅敗。邲魏都。徙要大河之陰。與秦遂有吞合天下之形。累世英主。以收山東。日夜為務。山東之君王不知也。勢非亡秦弱秦。山東必無安理。夫秦雖強。何加於五倍之地。十倍之率哉。誠所謂時運之時命。而出其不意。秦可立破。當蘇秦說以出身吐舌首戴大難。以一布衣匹夫。糾六國君王。將相以為秦尤。豈不至雄哉。其言曰。并力為一。西面攻秦。破秦必釋秦。何約書第其楚其塞。其佐其守。曰。願秦已耶。齊者形。

格勢禁聲為強耳。秦雖杜不東我。而且安坐而養威。思民練甲以俟。而我數家托於無西患。具不復以秦為慮。無故自以小國相惡相救。而秦乘瑕後起。出其全鋒。衆渙不收。顧笑而收耳。安取前日之盟哉。是空名損六國而實利肥秦也。春秋惟四大國而秦隔絕。故齊晉楚之名相代。而伯得以五書提數十國之小侯。以救災恤鄰。數世而刑政輸。或當此之時。則主於一。至戰國。域中九戰。太矣。今人有帝志。莫相下。豈獨忌秦哉。雖甚惡秦。而以六國合一。勢無久合。故桓文九

之兵聯十餘國之甲卒而能勝六國每戰延闕而東清專以冀祖下而散也故莫若以蘇子并相為一之曰王侯將相方革志無心相結而統其銳師長驅扶義而西六師必合秦必卒不克奪其殺厄使復晉遷却之河外以分其險嗣不過三戰四戰五戰而秦可服奈何十五率偷易而第以空文恃為兄弟之守自非計矣夫當分裂之宇干戈擾攘之後主務優前之利臣希戰攻之封一游客要盟欲使山東西各盡土而守偃兵不用此五伯之不禁也六國進無割於

秦退無分於鄰國何事焉此必散之道也是蘇秦計  
失也夫蘇子號揣摩而知兵豈其舉事莽莽者哉  
秦始頌故不然也欲橫秦一戰并天下而說不從身  
因不得已起任其難假以堅主攻秦則秦強尚不任  
戰而六國為何是再舉為終困也故投約書喝秦無  
出實吾口足耳又恐秦之不易禁也則術使張儀用  
秦以為合後夫蘇子誠激散秦之憤嫂妻之辱國一  
日取金玉卿相塞家庭之訕口為急其起本非有左  
利山東翊樹不拔之業於世之志姑借蘭綽籠諸侯

而自責彼所揣六王不如揣已多矣方惴惴日方慮  
秦東出兵而敗其謀以失其位又何敢犯關抗攻  
掠虎之怒我鋒一交而無勝約解不復合矣愚嘗評  
戰國之士商鞅不如秦厲蘇秦不如鞅實鞅功名之  
士也法猶足以利秦秦富貴之士也計不足以存六  
國非法游殊家其處心異焉今讀蘇子六書多虛誘  
激發隱匿以取人主至列事勢微中若澁不敢盡彼  
罵於秦王揣天下名類庸畏其難故與故魏不識後  
應則首叛齊不識亡屑則絕結此六國所以亡皆蘇

子通之不明也是計失也故曰富貴之士不可與謀

### 周厲王

君道不可去剛周厲王則以暴虐而且使楚熊渠畏而去王號彼蠻夷僻遠之長豈區區仁義能柔之哉幽王以後周末嘗有一雄主而楚遂儼然長王焉以齊桓召陵之貴而語不及此則主德弱而勢未能制命也黃帝五刑舜有凶誅禹有後格湯自號武文主赫怒故合以周厲之畏徐偃之戒此君鑒矣易以五

居上中為先。二陰居下中為臣。三於上則高過而亢。其占多凶。陰剛也。居中不過也。下陰順而承也。過極乃厲也。故厲至之厲也。宜於剛致則危也。君道重之矣。

孟嘗君

予觀田文竄賤庶孽竊舉之餘也。起於四十子之後。以其主家養客用傾昆嗣。已而保寵自樹張赫多客之尤。然方死而封滅嗣絕其效。反不及乃父。不見一賢也。客真無庸哉。文諫嬰曰。忘公家曰損而身益。齊



以自侯其所養非所言也。文生平三大失。自侯為亂。甚輕身入虎狼秦。貪其相。流木失所。幾不脫口。失也。連五國之師。徵怒於秦。西扣關而求出懷王。已大震。函中而聽代邪。口率市東國大喪。稱兵之義。名無成。而師不功。又失也。憑齊之相位。藉齊之車邑。扶齊之重。以納天下士。樹其名。一不得而伐主。交臂逐潘王。擢筋於莒市。與覆宗社。而恬然中立。列為侯。夫天下侯王相臣賓客。所以重君。以有養。方潘王賂賂。既不能救。又助之伐。天下已不直矣。潘王裏新。未可誣。

作問於籍而姑觀之。豈以區區一障之機攻不足脫  
守不足固。能以不義不立主保之間。而曾不度齊襄  
之討。歟。諸侯之共憤于孫之必滅。而失也。夫孟嘗  
首為豪傑。俯躬養交。得士之盛。數動千古。而今接其  
人。卑頑鄙險。彼無行如此。門客無聞一亢言諫者。是  
不忠也。如不知是不賢也。夫數千人印食於門。而市  
義復任職。一為先生。又非孟嘗所品識。於斯。曠自贖  
時。而先生而榮之外。亦不聞有發一犬義為救。孟嘗  
三失計者。則是孟嘗相士不長。張楚內虛聲。而賓客

汨汨無義之大驗也夫千歲然石則愈老不僞文以  
無擇多客亦以無擇不得當彼如大木取畧任義受  
失豈觀在鳴盜之舍哉雖馮先生長歌三句義士亦  
不為也

魯仲連

英雄才氣大約事相連北而樹植人品絕不倫蓋持  
志之難與魯仲連先生更持好策持高節之士也迹  
其注來遊譚齊趙之陽何梁果自別伍於長短家  
如及其聲聲庭拓開新垣將軍西帝之門義激天下

乎。厭萬夫以三寸之舌。當百萬之戰。陰却秦師三十里。諸侯景慕。此豈與說士乘勢滑稽利害小小道哉。一言使天下四十牟復有王。豈非仁者之勇義豪士與射。城書雖稍反復。詞直而氣壯。異乎談口傾詐之餘。杯酒却金。義蹈東海。語高朗自遠。可以起百世之鄙。雖統濁穢浮游塵埃之外者也。取印蘇秦持梁。蔡生借燭甘子視舌張生區區富貴風波中數子何足道哉。于先生遠哉。矯紳不可以語。索者矣。先生年十二。曾誦田巴於額下。服十人之後。曰。白刃交前不

救流矢。國亡在旦。名先生奈之何。若不能者。先生之言。有似鴞鳴。果故志將以言救亡存危。學朝陽之鳳。以為名者也。名成身隱。彼方笑空譚求仕之列大夫。而況其說客。卑卑者乎。甚矣平原之晚也。辭封者受千金。爭千金之士。不在危趙國城中矣。然余猶恨魯先生蹈海之行。太早。循其恍惚却帝之本。僅有春秋。換焉之西。奈何。墨墨不道齊。必事勢後五國。以成起。無之義。而以一失之書。為功去也。是未澤去者也。

信陵君

魏公子信陵君。愛殺謝病。酒。婦人。四歲。卒於酒。余其  
悅之。嗚呼。英雄心事。至此。我當其盛時。氣籠一世。目  
小海內。而一遭謬恩。妻如兒女。子。惟恐不速死。豈不  
痛哉。公子。英英冠世。傾五之才也。當是時。豪門。皆  
權家。習兵。譚士。爭口計。相。察。執。刑。吏。刻。法。諸。侯。各。負  
貴。實。之。祿。產。在。位。幾。千。金。關。四。門。以。招。不。能。得。數。家  
之。金。獨。公。子。一。身。禮。士。拔。賤。折。節。造。賓。則。三。公。子。之  
冠。也。兵。出。陳。勝。破。秦。存。趙。連。五。國。走。秦。燕。叩。函。關。則  
函。壁。子。廉。將。單。之。客。也。上。書。救。韓。使。橫。秦。之。害。斷。山。

東存亡計便國形慮周數世則難兄難弟首之荒泯  
報先生前令之法也乃其居功不賞自罪却起趣寫  
驛故一言立悟宗國賸福尤義至高公于得志駕車  
第收士施包六合而令侯王可公而須也何也當公  
子自開宮招養結納時已多天下賢豪長者矣侯生  
之命朱亥之勢唐雎之勇先薛之義三公子之門有  
一於此乎山東西北之樂肆客卿有得健馬者乎  
語曰相門多相將門多將同聲相應士故不易識也  
此數人方塊虛抱關屠牛博徒酒食中如蓬蓬陸沉將

亡無報。市井竊笑。然其不受財。不謝請。固故不見之。  
標致足自白矣。此豈有與鷄鳴狗盜索魚腹裏受金  
之人。隨肩列坐。授食我。故數人風節不下。酒保魚籍  
而公子下交。稍同夢卜。載歸主臣相結。引義自效。王  
基也。詩曰。濟濟多士。文王以寧。易曰。鳴鶴在陰。其子  
和之。公子好士。聲既彰矣。負此聲以令也。又借國東  
為招天下士有不鹿起康至於門者乎。得士者昌。失  
士者亡。誠於不知已。信於知己。故循聲而還。又不收  
延攬之功。待客而拔伍。不得卓特之俊。以賢下人。未



有不得人者也。公旦以文王子。武王弟。成王姑多才。多藝。三吐三握。以見天下士。故士陳其能。國收其庸。而公享其名。公勞於知士而逸用士也。今魏公子之外三豪家。未有知用士者矣。孟嘗聽三歌。不如傳長之識。馮君平原相。志却毛先生。以無譽而黃歇又徒以珠履三千侘簪珥之趙宦。此皆卒夫所競耳。賢士何至哉。故魏公子一至趙而平原之門半傾。假使公子得持權。是使縶車宅處而碣石宮竟臺。無留士也。賢既如此。士又如彼。而抱志結節。沈溺共黷。不談

一日之短長。身俱魏亡。功名無表於後。豈不痛哉。雖  
然良賈深藏若虛。大器不淺。出信若訖。中庸以下之  
主。寡不媚才者矣。採澤趙王。田獵事畢。小無兔。何庸  
見可畏。以中忌乎。自使功盛名高。彌不消反間之口  
也。王故不用公子。亦公子不善自用我。

### 秦昭王

長平之役。秦王暗將白起。令軍中敢泄武機者。將者  
卽武安。名高恐敵震而難不易。亂也。故知武侯不得  
志於司馬。則名之累。如此秦昭王。知兵。而足伐也。大

約白起當與王中分功夫二奇將隔絕趙軍無有秦  
王自詣益發救之卒四十六日中趙一里空國而  
借一二萬五千人得支命武安陣法故竟而昭王亦  
甚雄武指趙主臣皆非敵手也太公韜曰天下之困  
兵也暴用之則勝徐用之則敗夫擁四十萬之銳兵  
當初絕不利之時泣新軍士以遺絕糧食必死之勢  
因分半兵當其前之韓連平其衝其後之魏師示以  
死求凶害不敢動安不敢奮會困重軍必有當此而  
必四五復於久陷捨亂相救之後飢不仕轉而秦兵

堅矣。括失此重兵四十萬。拒敵於外。軍情進退。利不利。日夜聞於君。移秦王河內之縣。與趙王先定。期反。廉將軍而襲擊其外。括應其裏。則秦亦及。括耳矣。拒四十六日。秦卒日益。而救師一旅不至。國中士何氣乎。趙王亦失焉矣。夫秦將五萬。予趙。秦國空。王不從。咸陽山東諸國出一師以擣秦。函谷必絕。不絕。秦王曰。起亦必舍趙而襲。隨趙利。不利。張將必勝。之。連也。而連坐。張以視趙危。而山東盡危。矣。此則王又失也。夫當時天下形勢。秦處其貴。趙處其頸。韓魏當其

張為兩翼齊展其尾燕楚為駭喉塞則首無尾頸強  
則喉不絕翼輔左右尾掉上衛故頸者臂脈所總經  
幹所倚也生死由之相篇曰天柱傾動幻軀將走夫  
六國惟趙是強據太原之總席從長之威兵武將勇  
倡言顯號起與秦難稍稍與秦抗駕爭先秦戰六勝  
趙戰四勝中分畧當秦於六國而無秦趙倍秦攻六  
國尤苦趙救趙六國之命也數世之烈一敗秦遂  
不復振山東晉山東北此豈獨趙之失哉故曰山東  
君臣皆扶秦疏乎也

范雎

蘇子匹夫而從六王。范雎羈旅而傾穰侯。韓士為罷  
難多奇矣。兩人皆由困厄憤疎。後故其智深。其計以  
折脅之怨。度諸侯獨秦能難魏。所欲借資報也。而魏  
冉方用事。多功。昭王之母弟。勢不可以一席游。口率  
搖之。而輕漏半言。召祠不測。交淺言深。肥說野忌。故  
其取昭主也。於諸侯獨巧甚。蘇子莫及焉。夫博家用  
遲局。為其先放而後收利也。急於利則不利。急於廣  
心者先則無後。促志者後用以先。故棄於人。不敵棄

人范於諸所用秦者先後局也。入關料穰侯之智過  
知國後下庭見要秦王之傾心先唯後譚左右恐竊  
聽之洩機先外後內近攻惠遠救之阻勝先親後疏  
先者常陰伏於人畧不知之地而後者收功指疾  
不掩之中此游譚之辯也。權家之徂詐而濟以黃老  
之柔術者也。柔故能忍忍故密中情不見而陽飾  
外陰伺既熟而卒發其本謀所謂重厭之勢。彌足一  
撫而中必暴也。老子曰知其雄守其雌為天下  
知者本謀守者假術雄者內毒雌者外柔外術服而內

謀動天下安所不在術中哉故曰谿谿深也溺人也  
可畏哉夫范雎卽筭死之辱伍胥扶殺父之仇所欲  
借皆已事耳而陰說相傾退耕俟斃匹夫申怨作難  
於骨肉之間何其恐哉是可恐也孰不可恐也故術  
可畏也

### 荊軻

知士不再計勇士不怯死故匹夫而覆人國徒袒而  
鬪蛟龍之淵計審於前而力決於後也審不可力不  
持則辭而去耳故曰量而後入不入而後量昧必然



之畫。湯嘗試於迂濶之謀。行餘自僥。非智也。內無百  
全之策。外備必死之勢。持疑狐疑。決命不果。非勇也。  
事該無成。身死無功。壞人國家之寄。重墮自己之名。  
非夫也。昔燕太子挾見陵之忿。西顧而瞋目。當六王  
垂喪之季。身該大難。為山東報讐義張一世。氣震函  
京。豈非至雄心哉。然而弗鞠太傅約從之謀。惛然不  
能須臾。欲決匹夫一死之功。已非計矣。夫秦棄禮義。  
權虜之邦也。自孝公來。未有堅明約束。今日和明日  
戰。今日約。明日叛。自視利不耳。不顧復。口天下所明。

知始皇天性食人。託假父殺二弟。遣相國而出其死。又天下所明見如是。而欲效曹子行劫壇反。僣秦能聽乎。劫之必許。許之必脫。脫之必詐。詐則客殺於庭。而師厭於境。燕有備乎。慕劫辱歸地之便利也。而不察呂政之非齊桓也。計無左此矣。太子情憤之倒行。亡足恠。獨恠荊卿唯唯以從。何為貴客哉。卿刺家請即以刺論亡。獨不慮生劫之難。為太子辯乎。告太子曰。趙之強。聞相如之勇。好奉膝於庭。而十五城不出。况劫犯其怒。而得志者。不如直刺。乃死。國無長君。內

就可圖也。太子必聽矣。不聽則當不任謝矣。疎計不  
如無計。敗為不如無為。又况謀人之國。刺人之君。進  
不度勢。退不量力。取順指奉教。以冥冥決劫。是專諸  
聶政之所笑而不顧也。夫諸料無何。政却多人。盡成  
而往。取君相頭如囊物。其計決也。豫子甘厲亞。爾生  
謝百金。抗激赴義。一往不顧。其志廉而行勇也。今荆  
卿扶一朝之諾。驅驅投金丸。殺馬脰。斷鼓琴好。志  
肆於太宰車騎。美女快意之奉。非節矣。久過無行意。  
已駕猶待客一日之至。何不期於安室之前乎。非然。

一言恐如性性辭決棄俱容故詰而偕十三  
舞陽入不測之秦莽矣輔行共事而不識舞陽  
勇之客氣懦也既矣能伺易水擊筑和歌悲風蕭而  
泣不還蕭矣圖窮七見而後把袖失時矣環柱相逐  
不能決一濡之面而猶貪生劫之報廢而後極勇奪  
神散必無中理思矣計不決前事數失後不就而死  
無所護罪尚假倚柱箕踞之笑罵欲為誰豪乎不亦  
悖哉所以然者太子務名卿亦務名徒以一刺不了  
事志欲凌專諸輩徒死而不熱於勢也夫知決奮疑

生怯益資之狐疑。不如庸夫之必致也。卿一諾出。凡  
義不再計。勝筭未就。約容不至。故當易水取道。無泣  
瞋目。時卿已遲疑。業不可悔。乃為項王兒女子悲耳。  
就車終已不顧。英雄漢人。豈其心哉。大要荆卿好氣  
賈勇而中情怯。欲決生而不好謀。自博虛聲而不忠  
人事。卿果酒人乎。此與高陽生迂狂畧等。故史稱田  
先生智深而勇沈。亦非也。以薦卿決之。